

Film o Messeru u Bosni i Hercegovini

U cilju što bolje i kvalitetnije promocije stranih investicija, Agencija za unapređenje stranih investicija u BiH (FIPA) u saradnji sa Norveškom ambasadom u Bosni i Hercegovini snimila je kratke promotivne filmove o strateškim bh. privrednim sektorima koji uključuju i kratke izjave i iskustva postojećih investitora. Fokus je bio na sektorima energetike, metaloprerađivačkom, drvnom i sektoru turizma, a filmovi su urađeni na engleskom jeziku.

Pored generalnih informacija o navedenim sektorima, projektom je obuhvaćeno i šesnaest kompanija koje su predstavile svoje razloge zbog kojih su se odlučili investirati u BiH. Među njima je i naša kompanija koja je u gradnju, infrastrukturu i uposlene investirala preko 40 miliona EUR.

"Živa riječ postojećih investitora predstavlja najbolju poruku potencijalnim investitorima u BiH i ima veoma jak uticaj na formiranje mišljenja o lokaciji za investiranje", poručila je Jelica Grujić, direktorica FIPA-e, na prezentaciji promotivnih spotova o mogućnostima ulaganja u BiH. Ona je navela da je privlačenje direktnih stranih ulaganja stalno aktuelna tema i prioritetni zadatak vlasti na svim nivoima.

FIPA je snimila četiri desetominutna promotivna filma o sektoru energetike, metaloprerađivačkom sektoru, drvnom i turizmu, kao i jedan 15-minutni film koji obuhvata sva četiri navedena sektora i izjave stranih investitora koji posluju u BiH. U izjavi o kompaniji Messer u BiH generalni direktor Valentin Ilievski je istakao:

- Sa velikim zadovoljstvom mogu reći da je kompanija Messer u Bosni i Hercegovini dio pozitivne BiH. Samo u posljednje dvije godine mi smo otvorili dvije fabrike – jednu u Zenici, u Federaciji BiH, drugu u Sočkovcu kod Doboja, u Republici Srpskoj. Ta dva proizvodna postrojenja u kojima se proizvode argon, kisik i CO₂ napravljena su u skladu sa najmodernim svjetskim dostignućima u tehnologiji. Bosna i Hercegovina je velika ekonomska regija za strane investitore.

Ovi promo filmovi o boljoj BiH bit će korišteni kao prezentacijski materijal o BiH, distribuirani po ambasadama i konzulatima, državnim agencijama, medijima, na svjetskim trgovinskim kongresima, sajmovima i u drugim prilikama.

[NOVOSTI.IZ SVIJETA PLINOVA.](#)

Premijer FBiH sa stranim investitorima

U sjedištu Federalne vlade u Sarajevu održan je sastanak premijera Nermina Nikšića sa predstavnicima Vijeća stranih investitora. Razgovor je tekao u pravcu upoznavanja premijera sa realnom slikom investiranja u BiH i ukazano je na prepreke koje strani ulagači imaju, a koje treba što prije otkloniti da bi proces ulaganja bio neometan i brz. Među četiri kompanije koje su veliki ulagači u BiH našao se i Messer BH Gas koji je samo u protekle četiri godine imao direktne investicije u iznosu od oko 30 miliona EUR.

„Najveću zapreku za strane kompanije koje žele doći ovdje i investirati predstavlja teški administrativni aparat koji odugovlači izdavanje građevinske i okolinske dozvole. Taj bi se proces trebao pojednostaviti i time bi svi dobili, i državni aparat, i entiteti i lokalne zajednice, uposlenici tog investitora i naravno sam investitor“ – rekao je g. Valentin Ilievski, generalni direktor Messer BH Gasa.

Na sastanku je rečeno da je Federalna vlada od ukupno 350 uklonila 255 prepreka koje je iskazano u Bijeloj knjizi, publikaciji koju izdaje Vijeće stranih investitora, i da će preduzeti sve aktivnosti da riješe i ostatak.

„Može bolje. Treba sve prepreke otkloniti i radimo sve što je u nadležnosti Vlade FBiH. Najavljeni su dodatni investicioni projekti kompanija poput Heidelberg Cementa, Hayat Natrona, Sisecam soda i Messera, kompanija koje su već prisutne tu, a koje žele i dalje investirati u FBiH“ – istakao je premijer Nikšić.

Dok je predstavnik Vijeća stranih investitora naglasio da se investicije kreću između 400 i 600 miliona EUR, što je malo za BiH.

Na kraju je podcrtano da je sada nužno što prije otkloniti jednu važnu administrativnu barijeru u smislu dobijanja prije svega građevinskih i okolinskih dozvola.

Messer Sarajevo Plin postao Messer Tehnoplín

Messer Sarajevo Plin d.o.o. u Bosni i Hercegovini posluje pod novim imenom Messer Tehnoplín d.o.o. Promjena imena došla je kao rezultat potrebe za preciznijim definiranjem djelatnosti kojima se kompanija bavi. Sa novim imenom firme nisu se promijenili internet adresa i kontakt-podaci zaposlenika Messera Tehnoplín.

[NOVOSTI.IZ SVIJETA PLINOVA.](#)

Messer ponosni sponzor koncerta Kemala Montena

Messer BH Gas svojim je kapacitetima podržao veličanstveni koncert Kemala Montena koji je održan u prepunoj Zetri. Sa brojnim prijateljima koji su došli da mu pomognu održao je trosatni spektakl simboličnog naziva "Vratio sam se živote" i oduševio 15 hiljada posjetilaca.

Monteno je koncert počeo pjesmom "Vratio sam se živote", a nakon svirke i nezaobilazne "Sarajevo, ljubavi moja" na kraju se, pjesmom koju je smislio u trenu, zahvalio publici i svim gostima koji su ga podržali. Kazao je da ga je bilo strah pred koncert i da je imao tremu.

"Plašio sam se da će mi sala biti prazna i da mi neće doći niko, a došli ste mi svi", otpjevao je Monteno. Prepoznatljivi Messerovi baloni preplavili su Zetru u centralnom dijelu koncerta, dok je nekoliko numera dobilo patinu prošlog vremena zahvaljujući našim specijalnim plinovima.



NOVOSTI.IZ SVIJETA PLINOVA.

Održan izbor stranog investitora

U organizaciji Agencije za unapređenje stranih investicija u BiH (FIPA), 13. decembra 2012. godine u Sarajevu je održana tradicionalna manifestacija uručenja plaketa najznačajnijim investitorima u BiH za 2011. godinu u četiri kategorije.

Ovo značajno priznanje Messer BH Gas je dobio za 2009. godinu, a naša kompanija je zbog svoga kontinuiranog ulaganja u ekonomiju Bosne i Hercegovine svrstana u red najznačajnijih stranih investitora. Potvrda takvog statusa stigla je u ljeto ove godine kada je FIPA promovirala kratke filmove o inostranim kompanijama koje u BiH zauzimaju visoko mesto po ulaganju kapitala, otvaranju radnih mjesta, poboljšanju tehnologije i drugim parametrima.

Messer BH Gas je kroz FIPA-ine promo filmove predstavljen među četiri najveća strana investitora u BiH koja sva svoja ulaganja temelje na gradnji, radu, izvozu i zaštiti čovjekove okoline.

Preduzeće „Bentoproduct d.o.o. Šipovo“ ove je godine izabrano za najznačajnijeg investitora u kategoriji „Greenfield“ (potpuno novo ulaganje), „Mercator BH d.o.o. Sarajevo“ je izabran kao najznačajniji investitor u kategoriji „Akvizicija/Privatizacija“.

Zajedno sa ovim ulagačima Messer BH Gas kreira pozitivniji ambijent za potencijalna strana ulaganja u Bosnu i Hercegovinu u narednom periodu.



Održana svečana promocija Messer Tehnoplina

U sarajevskom hotelu Hollywood održana je svečana promocija novog imena kompanije. Messer Sarajevo Plin d.o.o. u Bosni i Hercegovini odnedavno posluje pod novim imenom Messer Tehnoplina d.o.o. Promjena imena došla je kao rezultat potrebe za preciznijim definiranjem djelatnosti kojima se kompanija bavi. Pored razloga koji su doveli do promjene imena, promovirani su i rezultati kompanija Messer BH Gas i Messer Tehnoplina u 2011. godini. „Naša je namjera bila da preciziramo polje našeg djelovanja u plinskoj industriji i da kroz jedan univerzalan naziv, koji ima isto značenje svuda u svijetu, postanemo prepoznatljivi na evropskom tržištu“, objasnio je razloge za promjenu imena g. Valentin Ilievski, generalni direktor kompanije, koji je također istakao bitnost ulaganja u nove tehnologije, izgradnju novih postrojenja i proširivanje Messerovih kapaciteta u Bosni i Hercegovini. „Posebno smo ponosni na novu investiciju koja će poboljšati industrijsku sliku BiH. Riječ je o izgradnji nove fabrike u Sočkovcu (Doboj-Tuzla), koja će proizvoditi CO₂. Ovo postrojenje sastoji se od tri objekta (proizvodna hala, upravna zgrada i trafo stanica) i do kraja godine bit će pušteno u pogon“ – kazao je na koncu promocije g. Ilievski, koji se zahvalio medijima, kupcima i prijateljima kompanije na kontinuiranoj podršci.



Messer najkompanija, Ilievski najmenadžer jugoistočne i srednje Evrope

Generalni direktor Messer BH Gasa Valentin Ilievski dobitnik je najvišeg priznanja „Najmenadžer“, a kompanija Messer BH Gas proglašena je „Najkompanijom“ od strane Nezavisne agencije, Evropskog udruženja menadžera i časopisa Euromanager. Žiri sa sjedištem u Bosni i Hercegovini, sastavljen od najuglednijih menadžera i naučnih radnika iz šireg

regiona, donio je odluku da se prestižno priznanje „Najmenadžer 2012“ broj 1, u tradicionalnoj manifestaciji Izbor menadžera godine jugoistočne i srednje Evrope, dodijeli kompaniji Messer BH Gas i direktoru Ilievskom.

Agencija za izbor i promociju menadžera je jedini globalni i nezavisni autoritet na području regiona jugoistočne i srednje Evrope, koja ovu nagradu dodjeljuje po dvadeset četvrti put, a svrstana je ravnopravno sa sedam najrespektabilnijih nagrada u svijetu (Njujork, Paris, London, Rim, Ciri, Madrid i Brisel). Na osnovu strogih kriterija Nezavisna agencija vrši identifikaciju, imenovanje, afirmaciju i promociju izuzetnih menadžera i najuspješnijih kompanija, te analizira ostvarenja najuspješnijih i prepoznaje one koji ostvaruju znatno više od ostalih, te ih nagrađuje visoko priznatim statusom „Najmenadžer i najkompanija godine“. Priznanje je pokrenula međunarodna zajednica za širu regiju, zajedno sa domaćim asocijacijama biznisa. Priznanje se dobija za konkretne rezultate koje je menadžer postigao u praksi, gdje su vidljivi konkretni rezultati rada, a namijenjeno je menadžerima i kompanijama koji svoju državu i regiju vode naprijed u razvoju.

U obrazloženju Stručnog žirija za dodjelu ove visoke nagrade se kaže: „Najviše priznanje za menadžera i kompaniju Messer BH Gas dodjeljuje se za kontinuiran razvoj, izvanredne rezultate poslovanja, te kvalitet rada i usluga“.

Kompanija Messer BH Gas i njen generalni menadžer ponijeli su isto priznanje i za 2009. i 2011. godinu. „Budućnost je ono što nas u Messeru zanima. Zato investiramo danas da bismo imali bolje sutra. To je strategija koja se pokazala efikasnom jer u cijelom svijetu vrlo uspješno trajemo 114 godina“ – izjavio je dobitnik ovogodišnje nagrade g. Valentin Ilievski.

Ceremonija uručenja najmenadžera i najkompanija upriličena je sinoć u hotelu Holiday Inn pred brojnim zvanicama iz BiH i Regije.

U Mostaru kompanija Messer proslavila jubilej

Danas je u sjedištu kompanije Messer Mostar Plin održana press konferencija i na svečan način obilježeno 15 godina Messera u BiH.

Na press konferenciji menadžment kompanije osvrnuo se na prethodni period, ulaganje u privredu i industriju BiH, stručnost uposlenih i infrastrukturu, kao i najavio nove investicije.

Messer u BiH se na tržištu BiH nalazi od 1997. godine, raspolaže sa tri društva (Messer Tehnoplina, Messer Mostar Plin i Messer BH Gas), dva proizvodna postrojenja (Zenica i Sočkovac), 3 punionice i 4 distributivna centra. Agencija za unapređenje stranih investicija FIPA dodijelila je Messeru priznanje najvećeg stranog investitora za 2009. godinu. Do danas su finansijska ulaganja ove kompanije u BiH premašila cifru od 100 miliona KM, dok je uposleno preko 100 ljudi.

Na press konferenciji su se novinarima obratili g. Stefan Messer, vlasnik Messer Group, najveće svjetske kompanije za proizvodnju i snabdjevanje tehničkim i specijalnim plinovima, generalni direktor Messer BH Gas/Messer Tehnoplina g. Valentin Ilievski, direktor Messer Mostar Plina g. Ivan Maslač i gradonačelnik Mostara g. Ljubo Bešlić.

Direktor Messer Mostar Plina Ivan Maslač osvrnuo se na razdoblje kada je Messer ušao u BiH i kada je kompanija 1. jula i zvanično počela s radom pod nazivom Messer Mostar Plin.

-S Messerom mi smo svi u firmi osjetili veliko poboljšanje, promjene nabolje, stekli smo sigurnost i ne plašimo se našeg opstanka ovdje, istakao je Maslač, dok je direktor Messera u BiH g. Ilievski istakao da su orijentirani na proizvodnju i da su u samo tri godine otvorili dvije fabrike u BiH – kisikanu i fabriku CO₂ kojim snabdijevaju najveće bh. potrošače.

- Sto miliona KM koje su investirane u BiH najbolji su dokaz i garancija da Messer ostaje ovdje i ide dalje, zaključio je Ilievski.

Na proslavu je stigao i vlasnik ove njemačke porodične kompanije s tradicijom dugom 115 godina, g. Stefan Messer, koji je rekao: - Za kompaniju Messer tržište Bosne i Hercegovine je izuzetno značajno zbog očevidnih predispozicija koje vaša zemlja ima u pogledu razvoja industrijskih kapaciteta. Stoga ovdje vidimo mogućnost snabdijevanja raznih potrošača kojima su ovi plinovi neophodni u proizvodnom procesu, ali i priliku da ih eksportiramo u druge zemlje.

Gradonačelnik Mostara Ljubo Bešlić je potcrtao važnost ove kompanije u kreiranju pozitivne slike o Mostaru i BiH za strane investitore i naglasio da je Messer najbolja preporuka drugim inozemnim kompanijama za djelovanje u našoj zemlji.

Nakon press konferencije uslijedila je svečana proslava jubileja uz prigodan program na kojoj su prisustvovala brojna zvanica iz javnog života BiH među kojima i ambasadorica Njemačke Ulrike Maria Knotz.



NOVOSTI.IZ SVIJETA PLINOVA.

Djeca korisnici Messerovih proizvoda

Nema veće radosti za dijete od rođendana. A na rođendanu – zna se, torta je svemir oko koje se sve vrti. I torta mora biti posebna. O njoj se poslije nadugo i naširoko priča. A u posljednje vrijeme najviše se priča o Messerovim tortama. Nazvali smo ih „vulkan torte“.

One su savršene u svojoj neobičnosti. Iz tih fantastičnih torti suklja čokoladna lava i isparava se najdobročudnija para kao iz crtanih filmova. A filovi tih torti tako su topli, a ostali u čvrstom stanju. Kako? Sve je to zahvaljujući našem produktu – suhom ledu, pomoću kojega se čuda čine i djeca u čaroliju uvode.

Suhi led omogućava fantaziju. Djeca su to otkrila. I ona su postala naši korisnici.

Nema ništa opasno u korištenju suhog leda, pa ga tako i djeca mogu, naravno kao u svemu drugom uz pažnju starijih, upotrebljavati u malim količinama. Jer specijalna isparenja, dimna zavjesa i magličasta mreža daju veći efekt od svega izrečenog. I djeca su sretna jer su dobili nikad viđenu tortu. Tortu koja priča drugačiju priču. I tortu koja je njihovih ruku djelo.

Nema ništa ljepše od toga da usrećite jedno dijete. A mi smo usrećili mnoge.






[NOVOSTI.IZ SVIJETA PLINOVA.](#)

U novu sezonu s visokom pobjedom

Utakmicom 1. kola Ženske nogometne lige FBiH, koje je odigrano u subotu, 25.09.2010., između "SFK 2000" Sarajevo i "Gradine" iz Srebrenika, počeo je jesenji dio nove sezone 2010/2011. Pobjedom od visokih 6:0 djevojke iz SFK 2000 su na glavnom terenu stadiona Grbavica odlično otvorile početak takmičenja i odmah stavile do znanja da će se i ove godine boriti za 9. titulu prvakinja države i time omogućiti novi plasman u UEFA Ligu prvaka. Igračice koje su nastupale za SFK 2000 su: Pašalić Merima, Aščerić Mersiha, Hamzić Azra, Dijaković Nikolina, Hadžić Aida, Crnjak Svjetlana, Džemidžić Aida, Vlaić Ivana, Fetahović Amela, Kršo Amela, Spahić Amira, Spahić Almira, Numanović Azra, Puščul Alma, Jašarević Alma. Šef stručnog štaba je Samira Hurem. Ovo je prvi nastup u novim dresovima naših igračica u nacionalnoj ligi koje je osigurao Messer BH Gas kao zvanični glavni sponzor najtrofejnijeg ženskog fudbalskog tima SFK 2000 Sarajevo.

Messer uspješno primjenjuje sistem SAP

Projekat za harmonizaciju sistema SAP počeo je sa primjenom u svim Messerovim društvima u Bosni i Hercegovini od 1. januara 2012. godine. Proces implementacije ovog visokosofisticiranog sistema za upravljanje kompanijom paralelno je uspostavljen preko MGP-a (Messer GasPack), centralne organizacije za kupoprodajni menadžment i MIS-a (Messerovog informativnog sistema) kojeg predvode projekt menadžeri Gunnar Ringst i Peter Schonkas. SAP je softverski paket koji sadrži više modula koji su neophodni za vođenje firme, tzv. ERP (Enterprise Resource Planning) paket, a obuhvaća planiranje, provođenje i kontrolu svih poslovnih procesa, od proizvodnje do prodaje, računovodstva i kadrovskih poslova. Sam SAP je renomirana njemačka firma koja proizvodi jedan od najjačih ERP paketa. Implementirajući SAP u svoj sistem Messer u BiH pokazuje da je i kadrovski i tehnološki, te stručnošću spreman za usvajanje suvremenih info tehnologija.



Njemačka ambasada i Messer odigrali prijateljsku utakmicu

Da bi dali podršku predstojećem nogometnom prijateljskom susretu između reprezentacija Njemačke i Bosne i Hercegovine, Njemačka ambasada u BiH i Messer odlučili su zaigrati na travnatom terenu. Fizički vrlo spremne ekipe demonstrirale su svoje umijeće s loptom uz veliku podršku sa tribina. Oba gola tresla su se od pogodaka. Gledatelji su zaista imali šta vidjeti.

Mnogobrojne prilike, odlični driblinzi i realizirane šanse, doprinijeli su usijanoj atmosferi.

Finiš susreta ponudio je istinska uzbuđenja. Samo par sekundi prije kraja, na semaforu je stajalo 7:6 u korist Njemačke ambasade, ali se Messer nije predavao. Timskom igrom i kolektivnim zalaganjem, Messerovci su pokazali da nemaju namjeru odustati prije posljednjeg sudijskog zvižduka. Izjednačujući gol pao je u posljednjem napadu, a ekipe su skupa proslavile poravnatih 7:7 – rezultat sa kojim svi mogu biti zadovoljni.

Priliku za revanš ekipe Njemačke ambasade i Messera imaće već tokom narednog mjeseca u Neumu, gdje Njemačka ambasada organizuje malonogometni turnir.



Messer isporučuje medicinski kisik unatoč vanrednom stanju

Vanredno stanje u državi rezultira i vanrednim mjerama zaštite građana, zdravstvenih ustanova, imovine i dr. Messer Tehnoplina je sve svoje ljudske i proizvodne snage stavio u službu pomoći da se čim prije prevaziđe ova velika zimska nepogoda. Naši radnici su iskazali visok nivo svjesnosti osposobljavajući sve kapacitete kompanije kako bi bili na usluzi građanima i svojim klijentima. Tako Messer unatoč vanrednim prilikama, zahvaljujući izvrsnom zalaganju naših uposlenih te lokalne policije i civilne zaštite, redovno isporučuje medicinski kisik iz Zenice za bolnicu Koševo u Sarajevu. Svako naše postrojenje, distributivni centri i upravno-administrativni odjeli u svim krajevima BiH redovno rade i pružaju usluge svim našim kupcima.



Messer omogućio transport humanitarne pomoći iz Njemačke

Kompanija Messer od svog osnutka spada u red onih koje su društveno odgovorne i senzibilizirane prema najugroženijim grupama i pojedincima. Svakodnevno radimo na poboljšanju uvjeta za život tamo gdje se nalaze naša društva i zbog toga je u našoj djelatnosti izuzetno izražen visok stupanj društvene korisnosti. U Bosni i Hercegovini doprinosemo tako što učestvujemo u akcijama pomoći osjetljivim skupinama i doprinosemo kreiranju bolje slike bh. društva.

U skorije vrijeme mi smo bili među onima koji su učinili da jedan mladi život dobije priliku da normalno participira u društvenoj zajednici. Nakon toga smo našli način da jedno humanitarno udruženje iz Sarajeva nabavi i dopremi potrebnu školsku opremu za učenike osnovnih škola. S obzirom na činjenicu da su u BiH ratne posljedice još vidljive i da se posebno ogledaju u obrazovnom sistemu, svaka pomoć učenicima je dobrodošla.

Humanitarna pomoć koja je za bh. školare skupljena u Njemačkoj dopremljena je iz Berlina i Laupenheima zahvaljujući Messeru koji je platio transport. Pomoć je adresirana na udruženje iz Starog Grada koje se zove Smješko a koje će tu pomoć distribuirati tamo gdje je najpotrebnije. U pomoć spadaju školske torbe za djecu, školski pribor, pametne table, dva notebooka i drugi dio pomoći koji je upućen za Crveni krst.

Kompanija Messer je tu da svojim društvenim djelovanjem olakša život svima, posebno mladom naraštaju pred kojim je budućnost.



NOVOSTI.IZ SVIJETA PLINOVA.

Messer osigurao fudbalerkama SFK 2000 odlazak na kvalifikacije za ligu prvaka

Naš najtrofejniji ženski fudbalski klub SFK 2000 SARAJEVO, koji je aktualni prvak Bosne i Hercegovine, plasirao se na kvalifikacije za Ligu prvaka koje se održavaju na Kipru od 05. do 10. augusta. Izlazak kluba na evropsku scenu vrlo je značajan jer je u Evropi ženski fudbal izuzetno razvijen, a naš tim se već godinama nalazi među najboljim. U regiji Jugoistočne Evrope SFK 2000 postiže izuzetne rezultate po kojima su na prvom mjestu. Na UEFA-inoj rang listi su 32., a ispod njih su mnogi prestižni timovi sa dugom tradicijom i svi klubovi iz susjednih zemalja. U kvalifikacijama za Ligu prvaka SFK 2000 se nalazi u grupi 3. među velikim klubovima od kojih je Umeå iz Švedske prvorangirana, a tu su i izraelski prvak ASA Tel Aviv i Apollon s Kipra. S obzirom na činjenicu da se država oglušila o zahtjeve kluba za podršku pri odlasku, klub se obratio kompaniji Messer BH Gas koja je financirala njihov put na Kipar te ovim izuzetnim igračicama osigurala neophodnu opremu.

Na ovaj način Messer želi afirmirati pozitivne vrijednosti u našem sportu i podići svijest kod domaćih institucija i firmi u ulaganje u nepravredno marginalizirane društvene kategorije i sportove.



NOVOSTI.IZ SVIJETA PLINOVA.

Messer oglasio dan sigurnosti na radu

Najveća svjetska kompanija industrijskih plinova Messer oglasila je danas u svim svojim društvima dan sigurnosti na radu.

„Ovo nije bilo planirano“ je moto kampanje koja treba da doprinese većoj sigurnosti podizanjem svijesti o kriznim situacijama pri radu.

„Pravovremeno prepoznavanje kritičnih situacija, a zbog kojih dolazi do nesreća, mora se u svakodnevnim i uobičajenim radnim situacijama vježbati“ - rekao je vlasnik i predsjedavajući uprave Stefan Messer.

Naziv kampanje „Ovo nije bilo planirano“ treba skrenuti pažnju na to da nesreće ne utiču samo na planove poslovanja firme. U 11:00 sati je evakuisano svih 120 Messerovih poslovnica u Evropi, Aziji i Peruu. Preko 5.000 uposlenika je moralo neplanirano napustiti svoje radno mjesto i bili su upoznati sa uputama o sigurnosti.

Uposleni u tri bh. društva, Messer BH Gas, Messer Tehnoplina i Messer Mostar Plin, također su na vrijeme izašli pridržavajući se propisanih smjernica.

- Svaki uposlenik naše kompanije mora biti obučan da djeluje u skladu sa našim propisima o sigurnosti na radu. Zbog toga su ove nenajavljene kampanje najbolje naše osiguranje, osiguranje ljudi, objekata i proizvodnje – istakao je g. Valentin Ilievski, CEO Messera u BiH.

„Neplanirana pauza, posebno kada se radi o važnim terminima sa klijentima, može poremetiti vaš radni dan“ - rekao je Hans-Gerd Wienands, finansijski direktor Messera. „Sa ovim neobičnim postupkom smo demonstrirali da nesreće ne znače samo obustavljanje rada, već da znatno mogu uticati i na svakodnevne životne aktivnosti jedne porodice.“

„Mi vidimo svijest o odgovornosti kao dinamičan proces koji kontinuirano podliježe poboljšanjima. Kao poticaj je služilo vlastito zdravlje i zdravlje kolega i kolegica – to je naša najveća vrijednost koja se ne može nadomjestiti“ – istakao je Stefan Messer.



NOVOSTI.IZ SVIJETA PLINOVA.

Messer Mostar u nemogućim uvjetima isporučuje plinove

Messer u BiH je sve svoje ljudske i proizvodne snage stavio u službu pomoći da se čim prije prevaziđe ova velika zimska nepogoda. U posebno teškom stanju nalazila se naša kompanija Messer Mostar Plin koja je bila totalno odsječena od „civilizacije“. Situacija na lokalitetu firme bila je gotovo nevjerovatna, nanosi snijega od preko tri metra skoro su okovali prilaz, jak vjetar i nedostatak mehanizacije otežavali su sve aktivnosti na raščišćavanju. Ipak, upornost direktora Maslaća koji je uspio osigurati bager za čišćenje kao i spremnost svih uposlenih da nastave s radom, dovela je do toga da su radnici s lopatama u rukama raščistili sve prilaze. Stanje u Mostaru se normalizira u srijedu, punionice rade, a kupci koji su se uspjeli probiti kroz snijeg i proći kraj policijskih patrola (još uvijek je na snazi zabrana prometa) uredno su usluženi. Također smo i kupcima koji su počeli raditi dostavili plin na njihove lokalitete. Iako su uvjeti rada bili gotovo nemogući, svi djelatnici Messer Mostara, skupa sa direktorom, dali su svoj doprinos da učinimo ono zbog čega i jesmo tu - da naše kupce opskrbimo potrebnim plinovima. Nakon saznanja da je bolnica u Mostaru potrošila neophodne zalihe helija, te da je kompanija Aluminij zbog nedostatka argona pred prekidom proizvodnje, naši radnici su iskazali visok nivo svjesnosti i organizirali zajedničku akciju hitnog snabdijevanja bolnice i fabrike ovim plinovima. Formiran je konvoj iz Sarajeva dok je ekipa Messer Mostar Plina cijeli dan radila na čišćenju snijega i pripremanju terena za dolazak konvoja u suradnji sa Civilnom zaštitom i policijom, te u suglasju sa gradonačelnikom Mostara. Konvoj su sačinjavala slijedeća vozila: 2 vozila sa tečnim dušikom, jedan kamion sa helijem za bolnicu, 2 kamiona sa bocama za podružnicu u Mostaru, te jedna cisterna argona za Aluminij. I u ovakvim prilikama pokazana je odlična suradnja i kolegijalnost ekipa iz Sarajeva i Mostara koje su djelovale promptno, stručno i požrtvovano. Svim sudionicima ove akcije menadžment kompanije odaje priznanje i zahvalnost. Slogan „Messer - Vaš pouzdani partner za tehničke i medicinske plinove i know-how“ nije izgubio svoje značenje.



NOVOSTI.IZ SVIJETA PLINOVA.

Part of the Messer World ■ ■ ■

Certifikacija MBHG

Messer BH Gas dobio ISO 9001:2008

14.10.2010.

Dana 14.10.2009. obavljeno je uručenje certifikata Messer BH Gasu od strane certifikacijske kuće BH-CERT prema ISO 9001:2008. ISO standardi su razvijeni od strane nezavisnog i objektivnog odbora sastavljenog od međunarodnih stručnjaka. Oni omogućuju organizaciji postizanje standarda kvalitete i očuvanja životne sredine koji su priznati u cijelom svijetu.

Messer BH Gas je certificirao sistem upravljanja kvalitetom, a ovaj certifikat svjedoči da organizacija primjenjuje standarde kvalitete, sigurnosti i pouzdanosti te da je utvrdila procese potrebne za sustav upravljanja kvalitetom, odredila njihov slijed i međusobno djelovanje, kriterije i metode za upravljanje procesima, osigurala dostupnost potrebnih resursa i informacija nužnih za potporu pri provođenju i nadziranju tih procesa. Certifikat također potvrđuje da je Messer BH Gas spreman nadzirati, mjeriti i analizirati te procese i provoditi postupke nužne za ostvarivanje planiranih rezultata i trajno poboljšavanje tih procesa.

Prijem certifikata kruna je velikog posla koji je u proteklom periodu odrađen i to prije svega zahvaljujući maksimalnom zalaganju Tima za kvalitet i uposlenika organa uprave. Dobivanjem certifikata ISO 9001:2008 Messer je svoj sistem upravljanja potvrdio međunarodno priznatim certifikatom koji dokazuje usklađenost poslovanja sa strogim svjetskim standardima.



[NOVOSTI IZ SVIJETA PLINOVA.](#)

Osmijeh govori sve

21.10.2009.

Počela kampanja „Osmijeh govori sve“

Messer Group GmbH započeo je kampanju „Osmijeh govori sve“ sa ciljem da nepružanje ruke prilikom pozdrava postane prihvatljivo i čak poželjno. Zbog toga što se virusi rukovanjem lako prenose, ekipa za pandemiju je radi zaštite od svinjske gripe predložila izostanak rukovanja prilikom pozdrava.

Nepružanje ruke prilikom pozdrava većini zvuči lako, ali je u praksi često teško primjenljivo. Kada pružamo ruku, ne pružamo je samo iz navike, već i da ne bismo uvrijedili osobu pred nama.

Messer je za ovu kampanju napravio logo koji će pratiti sve mjere prevencije.

Usvojimo geslo kampanje „Osmijeh govori sve“ i otkrijmo kako osmijeh može biti mnogo efikasniji od rukovanja prilikom upoznavanja ili pozdravljanja.

Novi management

Promjena na čelu Messera

03.07.2009.

Ove godine na vodeće mjesto firme Messer u Bosni i Hercegovini sjeo je mladi stručnjak, diplomirani inženjer mašinstva, Valentin Ilievski.

Ilievski, iako jedan od najmlađih direktora Grupacije Messer na ovom dijelu Balkana, ima bogat poslovni rezime. Porijeklom je Makedonac, ali od ranog djetinjstva živi u Njemačkoj. Do sada je radio u više kompanija gdje je napravio veoma dobre rezultate i moglo bi se s pravom reći da je njegova specijalnost reorganizacija kompanija i uvođenje novih menadžment metoda.

Njegovim dolaskom i postavljanjem na mjesto direktora napravljene su i druge smjene pozicija.

Dosadašnji direktor Messer BH Gasa Meho Zatega od sada radi kao izvršni direktor tehnike i proizvodnje, a Andrej Dremelj obavlja funkciju izvršnog direktora prodaje. Već su vidne i ostale promjene u reorganizaciji posla koje je ovaj mladi stručnjak uveo za samo tri mjeseca boravka u Bosni i Hercegovini. Visoki ciljevi zahtijevaju i programe treninga i svakako krećemo u ostvarivanje novih planova podstaknuti velikim entuzijazmom.

Ilievski smatra da najveći kvalitet Bosne i Hercegovine čine ljudi, a na nama ostaje da opravdamo tu izjavu.

Novom direktoru želimo puno sreće u daljem radu!

[VIDI VIŠE](#)

[Management Team](#)

[NOVOSTI IZ SVIJETA PLINOVA.](#)

Messer donirao 15 korištenih računara

Messer Sarajevo Plin donirao studentskoj organizaciji računare

27.12.2009.

U sklopu preseljenja u nove upravne prostorije u obnovljenoj zgradi u Rajlovcu, Messer Sarajevo Plin d.o.o. donirao je danas 15 korištenih računara studentskoj organizaciji "Svitanje" iz Sarajeva.

"Kao društveno odgovorna organizacija, veliku pažnju pridajemo obrazovanju mladih naraštaja, pa smo našu opremu iz starog objekta odlučili donirati onima koji će je iskoristiti na najbolji način.", rekao je Valentin Ilievski, direktor Messera.

Vrijedi napomenuti da je preseljenje u novi objekat obavljeno bez zagađenja i deponovanja otpada jer Messer Sarajevo Plin d.o.o. veliku pažnju pruža odgovornosti prema okolini i sistemu zaštite okoline zasnovanom na poštivanju zakonskih propisa i dokumentiranosti svih procedura.

Sarajevo, 27.12.2009. godine



[NOVOSTI IZ SVIJETA PLINOVA.](#)

Career Days

Messer Mostar Plin podržao organiziranje Career Days

25.05.2009.

U periodu od 20. do 22. svibnja 2009. godine na Sveučilištu u Mostaru održan je "Career Days 2009". „Career Days“ predstavlja najmasovniji događaj iz oblasti zapošljavanja i razvoja karijere i omogućava mladim i ambicioznim ljudima da stupe u direktan kontakt sa poslodavcima.

Kao jedan od najznačajnijih projekata AIESEC-a ima za cilj povezati studente, absolvente i postdiplomce sa uspješnim tvrtkama na području Bosne i Hercegovine. Tvrtkama je pružena mogućnost izravnog kontakta s potencijalnim kadrom, prezentiranje svog rada i načina regrutacije studentima, educiranje studenata kroz radionice te velika medijska eksponiranost, kako na lokalnom tako i na regionalnom nivou. S druge strane studentima se pruža mogućnost upoznavanja poslovnog okruženja u Bosni i Hercegovini.

Messer Mostar Plin donirao je udrugu studenata ekonomskih i organizacijskih znanosti AIESEC LC Mostar .

Messer na reviji "Moda još uvijek živi"

Messer BH Gas na modnoj reviji

23.12.2009.

Messer BH Gas posluje u sudjelovanju s prirodom. Svaki naš proizvod ne samo da je duboko impregniran u prirodno okruženje nego traži oslonac u njenoj iskonskoj vrednoti i ljepoti. Stoga je svaki pothvat koji je zasnovan na principu očuvanja izvornih oblika prirode, od čistog zraka do prirodnih tkanina, vrijedan naše podrške. S tendencijom da proširimo tu poruku odlučili smo potpomoći projekat „Fashion is still alive“ afirmiranog bh. dizajnera Adnana Hajrulahovića Haada. Koncept revije da je moda još uvijek živa jer postoje oni koji ne odustaju od Prirode, koja treba postati primarno važna u našim životima, pa prema tome i u kulturi odijevanja, naišao je na brojne poklonike.

U srijedu, 23. decembra 2009., u ambijentu Hotela Evropa, održane su dvije prezentacije Haadove revije, pred velikim brojem zainteresiranih koji su uz izvanredne modele zimske prêt-à-porté kolekcije mogli uživati u atmosferi za koju je, kako je to istakao dizajner, zaslužan Messer.

Crno-bijeli baloni utkani u tepih scene te portal s balonima u obliku slavoluka kojim su posjetioci kao slavljenci prošli u sam prostor modne piste, bili su prepoznatljivi simbol koji je predstavljao zračnu kulu kako za modele tako i za sve zvanice ovoga neobičnog happeninga. Nakon revije baloni su poletjeli u zrak kreirajući time priču o nepokorivosti Prirode koju čini taj prevažni gas – kisik. A znamo, Messer je taj koji proizvodi i snabdijeva svoje korisnike najrafiniranijim kisikom uz slogan: Opustite se i udahnite slobodno...




Messer sponsor NK Čelik iz Zenice

Messer novi sponsor NK Čelik

03.11.2009.

Messer BH Gas novi je sponsor Nogometnog kluba „Čelik“ iz Zenice. Sponzorstvo se pored ostalih ogleda i u učestvovanju u rekonstrukciji pojedinih dijelova stadiona, te obnovi reflektora koji su dobili novu boju kao i natpise firme Messer.

Ugovor o sponzorstvu u trajanju od godinu dana potpisali su Valentin Ilievski, direktor Messer BH Gasa i Zaim Mujezinović, direktor zeničkog premijerligaša.



Messer Sarajevo Plin na Medicopu

20.05.2008.

Messer Sarajevo Plin će u Centru Skenderija u Sarajevu od 21. do 24. oktobra 2008. godine učestvovati na 11. međunarodnom sajmu medicine i medicinske opreme.

Pozivamo sve poslovne partnere i druga zainteresovana lica da nas posjete na našem štandu i uvjere se u široku i inovativnu paletu proizvoda i usluga koje Messer kao isporučilac medicinskih i specijalnih plinova i opreme može ponuditi medicinskim ustanovama i privatnim licima.

[NOVOSTI.IZ SVIJETA PLINOVA.](#)

Dopunjen ISO standard 22000:2005

Savremeni standardi poslovanja u plinskoj industriji u cjelosti se primjenjuju u svim Messerovim kompanijama. Nakon što smo uspješno proveli implementaciju sistema upravljanja sigurnošću hrane i dobili certifikat ISO 22000:2005, čime je dokazano da su svi proizvodi koje Messer Sarajevo Plin isporučuje svojim kupcima sigurni za prehranu, svaki novi segment u prehrambenoj oblasti podliježe istraživanju, kontroli i sistematizaciji. Messer Sarajevo Plin je ispunio tehničke uvjete za punjenje plinskih mješavina za prehrambenu industriju - GOURMET N i time zaokružio još jedan proces kojim će biti dopunjen postojeći certifikat prema zahtjevima ISO 22000:2005. Ova vijest je važan pokazatelj spremnosti kompanije da razvije svoj sistem upravljanja sigurnošću hrane kao cjelovit, siguran i funkcionalan.



Otvorenje novog postrojenja za razlaganje zraka u Zenici

Plinovi za BiH

23.10.2009.

Predsjedavajući Messer grupacije iz Frankfurta Stefan Messer i Vahid Hećo, federalni ministar energetike, rudarstva i industrije 23. oktobra zvanično su u rad pustili novosagrađeno postrojenje za razlaganje zraka, smješteno u krugu nekadašnje Željezare Zenica.

Novo postrojenje za razlaganje zraka u Zenici, danas locirano u krugu Arcelor Mittala, je prva takva fabrika u Bosni i Hercegovini, izgrađena po najsavremenijim metodama koje se trenutno primjenjuju u svijetu.

U fabrici je zaposleno 25 novih ljudi, starosne dobi do 25 godina, čime Messer želi dati šansu mladim ljudima da uče i usavršavaju se radeći sa iskusnijim kolegama.

U narednom periodu se planira završetak kompletne investicije, stabiliziranje procesa proizvodnje, održavanje izuzetno dobrog kvaliteta proizvoda, uz neprestanu kontrolu kvaliteta najsavremenijim uređajima. Ciljevi su između ostalog da se standard radnika podigne na što viši nivo, te omoguće bezbjedni uvjeti rada uz stalnu edukaciju uposlenika.

Tehnologija koja se koristi je u potpunosti u skladu sa zaštitom životne sredine, nema nikakvih zagađenja niti štetnih uticaja na okolinu. Osnovna sirovina je zrak, a proizvodi su sastavni dijelovi zraka: kisik, argon, azot.

Značaj ovog Messerovog ulaganja za državu BiH je višestruk: investicija vrijedna oko 20 miliona EUR, potom se ostvaruje značajan priliv deviznih sredstava pošto se dio proizvodnje izvozi, a saradnja sa matičnom kućom, Messer Group, rezultira razmjenom novih tehnologija i dostignuća baziranih na proizvodnji i primjenama.



[NOVOSTI IZ SVIJETA PLINOVA.](#)

Messer na sajmu ZEPS Intermetal 2008

20.05.2008.

Messer Sarajevo Plin se, kao i proteklih godina, predstavio na sajmu **ZEPS Intermetal 2008**, koji se održao **od 20. do 23. maja 2008. godine u Zenici.**

Mnogobrojni posjetioци su se posjetom našem štandu u Sajamskom bloku 9 - Hala C uvjerali da im sa svojom širokom i fleksibilnom paletom proizvoda i usluga možemo ponuditi najbolja rješenja iz oblasti primjene tehničkih i medicinskih plinova.

Spektakl na Zetri uz malu pomoć prijatelja Messera

31.10.2009.

Popularni estradni umjetnik Željko Samardžić održao je 31. oktobra spektakularni koncert u prepunoj sarajevskoj dvorani Zetra.

Pod nazivom "Ljubavna adresa", ovaj Mostarac koji živi u Beogradu otvorio je svoje srce i tom prilikom izveo sve svoje hitove koje je, kako je istakao, posvetio djevojkama ali i ženama u najboljim godinama. Samardžić je priredio jedinstven ugođaj za sve svoje poklonike i uz fenomenalni nastup darivao svim prisutnim svoje srce. U tome su mu pomogli njegovi prijatelji – beogradski glumac Milan Gutović i članice muzičkog studija "Alektik" iz Novog Sada. Ali i naša kompanija koja je upotpunila scenski nastup ovog izvanrednog pjevača svojim malim ali, pokazalo se u toku večeri, efektnim poklonom.

Messer BH Gas je napunio helijem na stotine raznobojnih balona koji su poslužili kao teatarska kulisa koja je samo nakratko dijelila zvijezdu od svojih poklonika. A onda su baloni poletjeli u zrak i našli se u publici. Željko Samardžić ih je više puta nosio do najvjernijih fanova iz prvih redova koji su ih nakon koncerta ponijeli sa sobom kao dragu uspomenu sa jedne odlične zabave.



NOVOSTI.IZ SVIJETA PLINOVA.

Valentin Ilievski - najmenadžer

Valentin Ilievski izabran za najmenadžera 14.12.2009.

U okviru tradicionalnog izbora najuspješnijih menadžera i kompanija BiH u 2009. godini, Banja Luka i Banski dvor ponovo su bili domaćini proglašenja šampiona biznisa i istaknutih pojedinaca koji su, svako na svoj način, podsticali ekonomski razvoj u Bosni i Hercegovini.

Kriteriji za nagradu definirani su još kod osnivanja nagrade i veoma su jasni: nagradu mogu dobiti samo najbolji i najuspješniji, čiji rad ima konkretan rezultat, bilo da je riječ o pojedincima ili njihovim kompanijama.

Izbor najmenadžera BiH održava se u organizaciji Nezavisne agencije za izbor i promociju menadžera BiH, jugoistočne i srednje Evrope i Evropskog udruženja menadžera, a za prestižna priznanja nominirano je gotovo 2.000 menadžera i kompanija.

U kategoriji Veliki biznis za najmenadžera nominiran je direktor Messera u BiH Valentin Ilievski, koji je i odnio tu laskavu titulu.

"Nagrada je za mene i moj kolektiv velika čast i neočekivano priznanje da smo u ovom kratkom periodu u kojem radimo zajedno uspjeli pokrenuti nešto dobro, kako za zajednicu tako i za nas same", naglasio je Ilievski.

Čestitke izabranim najuspješnijim privrednim ličnostima uputili su članovi Predsjedništva BiH, kao i premijer državne vlade, te ambasadori SAD-a, Njemačke, Austrije, Kine, Češke i drugih zemalja.



Messer uspio ubijediti Mittal

ArcelorMittal, najveći svjetski proizvođač čelika, sprovodi sa njemačkim stručnjakom za industrijske plinove Messerom planirano proširenje u Bosni i Hercegovini. Pretpostavka je bila fleksibilnost.

10.01.2008.

ArcelorMittal proširuje svoje proizvodne kapacitete u zeničkoj željezari u Bosni i Hercegovini, a da bi pokrio potrebe za industrijskim plinovima, sa hessenskom kompanijom Messer dogovorio je koncept snabdijevanja kisikom i argonom. Ugovor kojim će se pružiti podrška ovom gigantu u industriji čelika u implementaciji njegovih planova za Messer je vrijedan oko 20 miliona EUR. ArcelorMittal se nalazi u procesu rekonstrukcije postrojenja za integralnu proizvodnju čelika u zeničkoj željezari. Ovaj projekat pod nazivom „Fenix“ obuhvata rekonstrukciju koksare, sinterskog pogona, visoke peći, BOF-a i elektrane, pored rekonstrukcije kolosijeka. Integralno postrojenje bi imalo proizvodni kapacitet od 1 milion tona čelika.

ArcelorMittal, najveći svjetski proizvođač čelika, je 2004. godine preuzeo većinu akcija u Željezari BH Steel (nekada dio Željezare Zenica) – najvećem poslodavcu u regiji. Trenutno u ovom kompleksu radi elektrolučna peć sa kapacitetom od 800,000 tona čelika. U čeličani se proizvode dugi proizvodi, a u pogonu postoji i mala kovačnica. Kisik potreban za trenutne poslove isporučuje Messer u cisternama iz Srbije i Hrvatske. Messer se sada nalazi pred slijedećim izazovom: od sredine 2008. godine za poslove u Zenici biće potrebno preko 15000 kubnih metara kisika na sat. Messer i ArcelorMittal su zajedno razvili fleksibilan koncept: Stručnjak za industrijske plinove će kratkoročno modernizirati postojeće postrojenje za proizvodnju kisika i tako omogućiti proizvodnju potrebnog kisika u ovoj razvojnoj fazi na licu mjesta. Ova faza će biti operativna od decembra 2007. godine. U isto vrijeme će se graditi novo postrojenje za razlaganje zraka koje će od sredine 2008. godine pokrivati kompletnu potrebu pogona za industrijskim plinovima.

Messer posjeduje vanrednu fleksibilnost potrebnu za ovaj projekat u smislu inženjeringa na osnovu svog joint venture-a sa Hangyangom, najvećim kineskim proizvođačem postrojenja za razlaganje zraka. Nova proizvodna osnova za industrijske plinove u Zenici je i velika prilika za grad. Industrijski plinovi su za mnoge proizvodne pogone važni koliko i voda ili struja. Ovo će pružiti nove šanse za industrijski razvoj u Zenici.

Messer na novoj lokaciji

Messer Sarajevo Plin i Messer BH Gas na novoj lokaciji

17.12.2009.

Messer Sarajevo Plin i Messer BH Gas od danas kontrolišu svoje poslovne aktivnosti iz Rajlovca. Preseljenje sa lokacije u ulici Dr. Fetaha Bećirbegovića 8 obavljeno je 11. decembra, a novouređena zgrada u Rajlovcu sada je sjedište obje kompanije.

Nova adresa i broj telefona Messer Sarajevo Plin-a i Messer BH Gas-a je:

Rajlovačka bb

71122 Sarajevo – Rajlovac

Tel +387 (0)33 953 100

Fax +387 (0)33 953 129

Volonteri u Messeru

U sklopu javne akcije „Volontiraj-kreditiraj“ jučer su prostorije Messer BH Gasa u Rajlovcu posjetili volonteri Udruženja Infohouse koje već nekoliko godina uspješno provodi ovaj projekat čiji glavni cilj je jačanje kapaciteta mladih kako bi bili u mogućnosti da preuzmu odgovornost za svoju profesionalnu budućnost, razvoj lokalne zajednice, ali i poboljšanje statusa mladih u cjelini.

Srednjoškolci u cijeloj BiH postaju volonteri koji jedan radni dan – tkz. Socijalni dan - provedu u određenoj kompaniji, upoznaju se s procesom rada i poslovnom sredinom, dobiju i određene radne zadatke, a dnevnicu koju zarade ide za najbolje projekte na Sajmu kreditiranja u organizaciji Udruženja Infohouse.

Naša kompanija ugostila je dvije volonterke Srednje škole za saobraćaj i komunikacije iz Sarajeva, Meša Medinu i Ivović Nejrju, koje su se upoznale sa kompanijom i njenim poslovnim procesima i zainteresirale se posebno za segment distribucije plinova.

Messer BH Gas će i dalje, kao društveno odgovorna firma i firma koja podržava zapošljavanje mladih, učestvovati u projektima koji kod mladih bude interes za volonterskim radom i stjecanjem dragocjenog iskustva u praksi.

